



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Monvmenta Paderbornensia**

**Ferdinand <II., Paderborn, Bischof>**

**Paderbornae, 1669**

8. Vicinam Drvso Genitori Condidit Aram.

**urn:nbn:de:hbz:466:1-11425**

ac nomine coronarum donavit, quas distinctas Solis ac Lunæ siderumque specie exploratorias appellavit. Et c. 47. Conversus hinc ad curam triumphi, præter captivos & trans fugas barbaros, Galliarum quoq; procerissimū quemq;, & ut ipse dicebat àxiōθετάμενοι, ac nonnullos ex principibus legit ac se posuit ad pompam: coegeritque non tantum rutilare, & submittere comam, sed & sermonem Germanicum addiscere, & nominabarbarica ferre.

8. VICINAM DRVSO GENITORI CONDIDIT ARAM. Tacit. 2. annal. Tumulum nuper Varianis legionibus structum, & veterem aram Druso sitam disjecerant, restituit aram, honorique patris princeps ipse cum legionibus decucurrit. antiquissimo ritu in funere illustrium virorum, quem Virgilius. lib. 5. & 11. Æneid. Livius. lib. 25. Lucanus. lib. 8. Statius. lib. 6. descripserunt. Diversa fuit hæc ara à tumulo honoratio, cuius Sueton. in vita Claudij. cap. 1. meminit. Exercitus honorarium ei tumulum excitavit, circa quem statio die, quotannis decurreret, & Galliarum civitates publicè supplicarent. Hic enim ad Rhenum erat, illa verò Lupiae & Alisoni vicina, in ea planicie, quæ inter Alisonem jacet & Lupiae caput.

9. ET TVLIT AVSONIIS MANIBVS INFERIAS. Sueton. in vita Caligulæ c. 3. de Germanico. Sicubi clarorum virorum sepulcra cognosceret, inferias manibus dabat. Cæsorum clade Variana veteres ac dispersas reliquias uno tumulo humaturus, colligere sua manu, & comportare primus aggressus est. Tacit. lib. 1. An. Igitur cupidus Cæsarem invadit solvendi suprema militibus ducique; permoto ad miserationem omni qui aderat exercitu, ob propinquos, amicos, denique ob casus bellorum & sortem hominum. Præmisso Cæcina ut occulta saltuum scrutaretur, pontesque & aggeres humido paludum & fallacibus campis imponebat,